



Bosnia and Herzegovina
Federation of Bosnia and Herzegovina
CANTON SARAJEVO
Cantonal Institute for Free Legal Aid

Broj: 28-01-04-5-80/25
Sarajevo, 30.4.2025. godine

Na osnovu člana 70. stav (1) i (2) Zakona o organizaciji organa uprave u Federaciji Bosni i Hercegovine („Službene novine Federacije BiH“, broj 35/05) i člana 39. Zakona o zaštiti ličnih podataka („Službeni glasnik BiH“, broj 12/25), direktorica Kantonalnog zavoda za pružanje besplatne pravne pomoći Sarajevo donosi

R J E Š E N J E **o imenovanju službenika za zaštitu ličnih podataka**

1. _____, državni službenik, stručni savjetnik – pravni zastupnik za krivični i prekršajni postupak u Sektoru za krivični i prekršajni postupak, **imenuje se za službenika za zaštitu ličnih podataka** u Kantonalnom zavodu za pružanje besplatne pravne pomoći Kantona Sarajevo.
2. Imenovani iz tačke 1. ovog rješenja, dužan je u vezi s obavljanjem svojih zadataka sve podatke do kojih dođe u postupku obrade podataka čuvati kao službenu tajnu u skladu sa Zakonom o zaštiti ličnih podataka.
3. Imenovani iz tačke 1. ovog rješenja će obavljati sljedeće zadatke:
 - a) informirati i savjetovati kontrolora podataka ili obrađivača i zaposlene, koji obavljaju obradu, o njihovim obavezama iz Zakona o zaštiti ličnih podataka i drugih zakona kojima se propisuje zaštita ličnih podataka;
 - b) pratiti poštivanja Zakona o zaštiti ličnih podataka i drugih zakona kojima se propisuje zaštita ličnih podataka, kao i politika kontrolora podataka ili obrađivača u vezi sa zaštitom ličnih podataka, uključujući i podjelu odgovornosti, podizanje svijesti i osposobljavanje zaposlenih koji učestvuju u radnjama obrade, kao i s tim povezanim revizijama;
 - c) pružati savjete, kada je to zatraženo, u vezi s procjenom uticaja na zaštitu ličnih podataka i praćenje njenog izvršavanja u skladu s članom 37. Zakona o zaštiti ličnih podataka;
 - d) saradivati s Agencijom za zaštitu ličnih podataka u Bosni i Hercegovini;
 - e) djelovati kao kontakt-tačka za Agenciju o zaštiti ličnih podataka u Bosni i Hercegovini o pitanjima koja se tiču obrade, što uključuje i prethodno savjetovanje iz člana 38. Zakona o zaštiti ličnih podataka, te savjetovati, po potrebi, o svim drugim pitanjima.
4. Imenovani iz tačke 1. ovog rješenja će prilikom obavljanja svojih zadataka voditi računa o riziku povezanim s radnjom obrade i uzimati u obzir prirodu, obim, kontekst i svrhu obrade.

O b r a z l o ž e n j e

Članom 39. Zakona o zaštiti ličnih podataka („Službeni glasnik BiH“, broj 12/25) propisano je da su kontrolor podataka i obrađivač dužni imenovati službenika za zaštitu ličnih podataka u slučajevima

ako obradu podataka vrši javni organ, ako se osnovne djelatnosti kontrolora podataka ili obrađivača sastoje od postupaka obrade koje zbog svoje prirode, obima i/ili svrhe zahtijevaju redovno i sistemsko praćenje nosioca podataka u velikom broju ili ako se osnovne djelatnosti kontrolora podataka ili obrađivača sastoje od opsežne obrade posebnih kategorija podataka na osnovu člana 11. ovog zakona i ličnih podataka u vezi s krivičnom osuđivanosti i krivičnim djelima iz člana 12. ovog zakona. Zakonom o zaštiti ličnih podataka i pratećim aktima, propisani su uslovi potrebni za imenovanje službenika za zaštitu ličnih podataka, kao i potrebne stručne kvalifikacije i stručnost.

Cijeneći navedeno, te uzimajući u obzir da imenovani iz tačke 1. ovog rješenja posjeduje potrebnu stručnost i kvalifikacije, odlučeno je kao u dispozitivu ove odluke.

Pouka o pravnom lijeku: Protiv ovog rješenja može se izjaviti žalba Odboru državne službe za žalbe Federacije BiH u roku od 15 dana od dana prijema rješenja.



DIREKTORICA

Emina Herdić, dipl. pravica

Pripremila: Vedrana Remović [redacted]
Stručna savjetnica za pravne i kadrovske poslove

Dostaviti:

1. Imenovanom
2. Agencija za zaštitu ličnih podataka u BiH putem Stručne službe Vlade KS
3. U spis
4. Reg. građa Zavoda
5. Arhiv